

Nroog Westminster Tus Txheej Txheem Hais Kev Tsis Txaus Siab raws li Americans with Disabilities Act (Tsab Cai Hais Txog Cov Neeg Meskas Uas Muaj Kev Xiam Oob Qhab)

Tus txheej txheem hais kev tsis txaus siab no tau tsim los kom ua tau raws li Americans with Disabilities Act (Tsab Cai Hais Txog Cov Neeg Meskas Uas Muaj Kev Xiam Oob Qhab) Xyoo 1990 ("ADA"). Tus txheej txheem no yuav raug siv los ntawm txhua tus tib neeg uas xav ua ntawv tsis txaus siab txog kev ntxub ntxaug uas yog saib raws kev xiam oob qhab nyob hauv kev muab kev pab cuam, kev ua qav num, cov khoos kas, los sis cov nyiaj pab los ntawm Nroog Westminster. Lub nroog qhov Personnel Policy (Txoj Cai txog Cov Neeg Ua Hauj Lwm) yuav los mus tswj kav cov kev tsis txaus siab ntsig txog kev ntxub ntxaug kev xiam oob qhab hauv kev ua hauj lwm.

Qhov kev tsis txaus siab yuav tsum sau ua ntaub ntawv thiab yuav tsum muaj cov ntaub ntawv hais txog kev ntxub ntxaug xws li tus neeg tsis txaus siab lub npe, chaw nyob, tus xov tooj thiab thaj chaw, hnub tim, thiab piav qhia qhov teeb meem. Lwm txoj hauv kev los mus hais qhov kev tsis txaus siab, xws li kev xam phaj tus kheej los sis daim kab xev kaw qhov kev tsis txaus siab, yuav muaj rau cov neeg xiam oob qhab yog thaum thoug txog.

Daim ntawv tsis txaus siab yuav tsum yog tus neeg tsis txaus siab thiab/los sis tus neeg nws xaiv sawv cev ua tus los mus xa kom sai li sai tau thiab tsis pub dhau 60 hnub tom qab raug liam tias muaj kev ua txhaum mus rau:

Jackie Bonavida

Risk Management Administrator and ADA Coordinator

4800 W. 92 Ave.

Westminster, Colorado 80031

Tsis pub dhau 15 hnub ua hauj lwm tom qab tau txais daim ntawv tsis txaus siab, ADA Tus Kws Khiav Hauj Lwm los sis tus neeg ua nws muab cwb rau yuav ntsib tus neeg tsis txaus siab los mus sib tham txog qhov kev tsis txaus siab thiab qhov kev daws teeb meem uas yuav tuaj yeem ua tau. Tsis pub dhau 15 hnub ua hauj lwm tom qab hnub sib tham, ADA Tus Kws Khiav Hauj Lwm los sis tus neeg uas nws muab cwb rau yuav sau ntawv teb rov qab, thiab yog tias tsim nyog, yuav tsum sau ua hom ntawv uas tus neeg tsis txaus siab tuaj yeem nkag siab tau, xws li luam ua tus ntawv loj, Ntawv rau Neeg Dig Muag, los sis kaw ua suab lus. Cov lus teb yuav piav qhia Nroog Westminster qhov chaw sawv thiab muab cov kev xaiv rau kev daws teeb meem tseem ceeb ntawm qhov kev tsis txaus siab.

Yog tias ADA Tus Kws Khiav Hauj Lwm los sis tus neeg uas nws muab cob rau qhov lus teb tsis tuaj yeem daws kho qhov teeb meem yam muaj kev txaus siab, tus neeg tsis txaus siab thiab/los sis tus neeg nws xaiv sawv cev tuaj yeem thoug rov txiav txim dua tsis pub dhau 15 hnub ua hauj lwm tom qab tau txais lo lus teb mus rau Tus Thawj Saib Xyuas Hauv Nroog los sis tus neeg uas nws muab cob rau. Tsis pub dhau 15 hnub ua hauj lwm tom qab tau txais qhov kev thoug rov

txiav txim dua, Tus Thawj Saib Xyuas Hauv Lub Nroog los sis tus neeg ua nws muab cwb rau
yuav ntsib tus neeg tsis txaus siab los mus sib tham txog qhov kev tsis txaus siab thiab txoj kev
daws teeb meem uas yuav tuaj yeem ua tau.

Tsis pub dhau 15 hnub ua hauj lwm tom qab hnub sib tham, Tus Thawj Saib Xyuas Hauv Lub
Nroog los sis tus neeg uas nws muab cwb rau yuav sau ntawv teb rov qab, thiab yog tias tsim
nyog, yuav tsum sau ua hom ntawv uas tus neeg tsis txaus siab tuaj yeem nkag siab tau, nrog rau
qhov kev daws kho qib kawg rau qhov kev tsis txaus siab.

Txhua daim ntawv tsis txaus siab uas ADA Tus Kws Khiav Hauj Lwm los sis tus neeg nws muab
cob rau tau txais, txhua daim ntawv thov rov txiav txim dua uas Tus Thawj Saib Xyuas Hauv
Lub Nroog los sis tus neeg nws muab cob rau tau txais, thiab cov lus teb los ntawm ob lub chaw
hauj lwm no yuav raug Nroog Westminster muab khaws cia yam tsawg kawg peb lub xyoos.

Nroog Westminster cov sij hawm ua hauj lwm yog Hnub Monday txog Friday, 8 teev sawv
ntxov txog 5 teev tsaus ntuj.